



Broj: 15-03-16-5-36-57/25

Dana: 11.12.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 8. stav (1) tačka b) Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikacione dokumente, evidenciju i razmjenu podataka Bosne i Hercegovine donosi

O D L U K U **o poništenju postupka nabavke**

Član 1.

Poništava se postupak javne nabavke **popravki i održavanja motornih vozila sa nabavkom motornog ulja i materijala - LOT-1 – popravki i održavanja motornih vozila van garantnog roka sa nabavkom motornog ulja i materijala**, objavljen na web Portalu javnih nabavki Bosne i Hercegovine, Obavještenje o nabavci, broj 1110-1-1-60-3-113/25 od 11.11.2025. godine, koji je proveden otvorenim postupkom.

Član 2.

Ova odluka se dostavlja grupi ponuđača u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenog postupka javne nabavke **popravki i održavanja motornih vozila sa nabavkom motornog ulja i materijala - LOT-1 – popravki i održavanja motornih vozila van garantnog roka sa nabavkom motornog ulja i materijala**, Komisija za provođenje postupka javne nabavke je konstatovala da je rok za dostavljanje ponuda u predmetnom postupku je bio 4.12.2025. godine do 10:00 sati, te da do navedenog roka na pisarnicu Agencije za identifikacione dokumente, evidenciju i razmjenu podataka Bosne i Hercegovine pristigla je jedna (1) ponuda i to Grupe ponuđača „LADA AUTO“ d.o.o. Banjaluka, SZR „GAJIĆ AUTO-SERVIS“ vl. Gajić Radoslavke - Bijeljina, „AUTO BEVANDA“ d.o.o. Mostar, OR AUTO SERVIS „DK“ vl. Šehović Damir - Ilidža, „HAMPI“ d.o.o. Bihać. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, broj 15-03-16-5-36-54/25 od 9.12.2025. godine, u kojem su detaljno obrazloženi razlozi za odbijanje ponude.

U skladu sa navedenim zapisnički je utvrđeno da ponuda Grupe ponuđača „LADA AUTO“ d.o.o. Banjaluka, SZR „GAJIĆ AUTO-SERVIS“ vl. Gajić Radoslavke - Bijeljina, „AUTO BEVANDA“ d.o.o. Mostar, OR AUTO SERVIS „DK“ vl. Šehović Damir - Ilidža, „HAMPI“ d.o.o. Bihać ne ispunjava sve zahtjeve iz Tenderske dokumentacije navedene nabavke. Naime, uz ponudu nije dostavljena u originalu ili ovjerenoj kopiji punomoć kojom se lice ovlašćuje da predstavlja grupu ponuđača u toku postupka nabavke, s obzirom da ponudu dostavlja grupa ponuđača.

Imajući u vidu navedeno Komisija je predložila da se ove grupe ponuđača odbaci kao neprihvatljiva na osnovu člana 58. stav (1) tačka g) i člana 68. stav (4) tačka i) Zakona o javnim nabavkama, te postupak poništi na osnovu člana 69. stav (2) tačka d) Zakona o javnim nabavkama.

Cijeneći navedeno odlučeno je kao u dispozitivu ove odluke.



Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od 10 (deset) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badžević

Signed by: Almir Badžević

дигитално потписано / digitalno potpisano / digitally signed